

Novi nalazi daurske laste (*Cecropis daurica*) u Bosni i Hercegovini

New sightings of Red-rumped Swallow (*Cecropis daurica*) in Bosnia and Herzegovina: During gathering data for the Breeding Bird Atlas of Bosnia and Herzegovina, Red-rumped Swallows (*Cecropis daurica*) were observed nesting in 2017, in the area of Lušci polje and along Una river between Kulen Vakuf and Bihac. Those nests are located 150 km northwest of the nearest known breeding sites. This species was also recorded in new territories in Herzegovina, within the known breeding zone. These data contribute significantly to the knowledge of distribution and ecology of Red-rumped Swallow in Bosnia and Herzegovina.

Dana 14.05.2017. tokom prikupljanja podataka za Atlas gnjezdarica Bosne i Hercegovine u selu Rajinovci kod Kulen Vakufa, u ruševini kuće, pronađeno je jedno gnijezdo daurske laste (*Cecropis daurica*). U neposrednoj okolini u letu je identifikovano šest jedinki. Dana 20.06.2017. godine u Lušci polju, nedaleko od sela Jelašinovci posmatran je jedan par dok se hranio iznad polja. Tokom dvije godine monitoringa u ovom polju, ovo je jedino posmatranje daurske laste, ali na osnovu ponašanja, ne treba isključiti mogućnost gniježđenja na nekoj od porušenih kuća u okolini. Dana 03.07.2017. od Lohova do Ripača, pored rijeke Une, evidentirano je oko 30 jedinki daurske laste, koje su se hranile nekoliko desetina metara iznad vode.

Dauriska lasta je redovna gnjezdarica u Bosni i Hercegovini, ali je većina populacije locirana u Hercegovini (Obratil, S., 1982 : Areal lastavice pećinske *Hirundo daurica rufula* TEMM. u SR Bosni i Hercegovini. GZM BiH (PN) NS 21: 173-182.). Dročić navodi gniježđenje ove vrste u Travniku kao i uz rijeku Bosnu, sve do Dervente (Dročić, N., Dročić, S., 2013: Novi podaci o rasprostranjenju daurske lastavice, *Cecropis daurica* (Laxmann, 1769), u Bosni i Hercegovini. Bilten Mreže posmatrača ptica u Bosni i Hercegovini, 9(9): 66-72.). Gniježđenje ove vrste uz rijeku Unu predstavlja najzapadniji nalaz u Bosni i Hercegovini i pomjeranje areala gniježđenja za 150 km sjeverozapadno u odnosu na najbliže do sada poznate zone gniježđenja. Posmatranja sa Une i iz Lušci polja značajno doprinose poznavanju ekologije date vrste u BiH i ukazuju na činjenicu da je daurska lasta, iako rijetka, u unutrašnjosti zemlje ipak prisutna, ali da zbog nedostatka posmatrača prolazi neopaženo.



Slika 1. Gnijezdo daurske laste u Rajinovcima (Foto: Goran Topić)
Figure 1. Red-rumped Swallow's nest in Rajinovci (Photo: Goran Topić)

Goran Topić i Biljana Topić

Ornitološko društvo "Naše ptice", Semira Frašte 6, 71000 Sarajevo, naseptice@hotmail.com